

Jurado a mira Leslie Vos como ganador di 3er festival Antillano di cancion

Pueblo no tabata di acuerdo cu decision

ORANJESTAD - Den un Centro Cultural completamente yen, a tuma lugar diadomingo anochi ultimo e final di e tercer Festival Antillano di cancion. Leslie Vos, popular cantante di "The Three Voices" for di Corsow a obtene cu 570 punto e prome lugar for di jurado. E publico presente no tabata di acuerdo cu e decision aki, ni tampoco cu e sobra clasificacionnan, manera nan a ser duna pa e jurado y directamente despues cu e anunciador a anuncia e resultadonan, e publico a cumenza tira un cantidad di papel y otro proyectilnan riba escenario mustrandu di e manera aki su malcontento cu e decision tuma. E tercer Festival Antillano di cancion, cual riba e anochinan prome no a conoce incidentenan, pa medio di lo sucedido a hanja un fin tristo.

Bon talento a sobresali

Pa loke ta trata di calidad, e anochi final sin duda algun tabata esun mas exitoso. Tur e 15 finalistanan a laga e publico goza enormemente di lo mehor cu nan tabata tin di ofrece. Cada un, sin excepcion, a demostra, cu e tabata merece pa yega den final. Na final di e anochi aki tabata visto cu e miembronan di jurado a hanja nan dilanti di un decision dificil y una vez cu e decision aki a ser tuma, esaki a resulta di ta a la vez un decision impopular, si huzga e reaccion negativo di e publico. Tambe den nos parecer e jurado, sigur pa loke ta trata e prome ocho lugarnan, a falla na duna un clasificacion exacto di e artistanan, uno tras di otro.

FINAL. Na e anochi final a participa 15 artista. Esakinan tabata e cuatro finalistanan di e prome anochi, esta, Leslie Vos, Norman Bernardina, Tom Hagenaar, Len Johnson, e 8 finalistanan di e segundo anochi, a saber, Ursula Peterson, Jossy Brokke, Corrie den Boef, Ivan Ramphal, Jane de Cuba, Maureen Hansen, Renov Cijntje, Danilo Sanchez; Nilca Franka (ganador na 1964) Ray Anthony Thomas (ganador na 1965) y Humberto Nivillac. E ultimo tresnan aki a baidirectamente pa e final sin tabatin di participa den e preliminar. Leslie Vos, Norman Bernardina, Tom Hagenaar, Renov Cijntje, y Humberto Nivillac tabata e finalistanan pa Corsow, Corrie den Boef pa Bonaire, y tur e otronan tabata di Aruba.

Tambe a actua e grupo "De Trupialen" di frere Alexius, cu a presenta algun numeronan di Pascu, y un trio di baile bau direccion di Astrid Salazar-Jong cu a interpreta un baile moderno, "Let's Go". Jane de Cuba cu "No tengo edad", Leslie Vos cu un biha mas "Mr. Succes" Ursula Peterson cu "Si tu escucharas" Danilo Sanchez cu "Nelida", Norman Bernardina "Unchanged campanas". E cantantenan Ursula Peterson, Jane de Cuba, Danilo Sanchez y Norman Bernardina, tambe a presenta cu e mesun cancion cu nan a canta riba anochinan prome. Sobresaliente den e prome mitad, tabata e actuacion di Nilca Franka, acompaña pa Trio Huasteca, kende a presenta cu e bunita numero "Por quien doblan las campanas". E numero aki tabata asina precioso y e actuacion di Nilca asina bon cu e publico a dun'e un ovacion tremendo na final. Otro cantantenan cu a hanja hopi ovacion

tabata Leslie Vos, Norman Bernardina, Ursula Peterson.

DECISION

Despues di intermedio a actua Ivan Ramphal cu "Shadow of your Smile" Maureen Hansen (Wishing & Hoping) Jossy Brokke (No me dejes), Tom Hagenaar (Kloknan di Pascu), Humberto Nivillac (No soy digno de ti), Len Johnson (Born Free), Corrie den Boef (Hojas muertas) y Ray Anthony Thomas (Suddenly).

Den e buelta aki, e mayor ovacionnan a bai pa Jossy Brokke Humberto Nivillac, kende a interpreta su numero den un forma perfecto, y Ray Anthony Thomas kende a demostra e mesun forma di semper cu su propio composicion "Suddenly".

E decision cu a sigi di e jurado tabata en contra di e expectacion di mayoria di e presentenan, principalmente pa loke ta trata di e prome ocho lugarnan. Ora cu e animador di programa, Yubi Naar, a anuncia e numero dos y tres, respectivamente Humberto Nivillac y Jossy Brokke, e protesta di e publico tabata aceptable ainda, pero ora cu Leslie Vos a ser anuncia como ganador mundo a caba. Fluit- y boemento sigi pa un gran cantidad di prop di papel y otro proyectilnan a yobe riba escenario. Di e manera aki mayoria di e publico a demostra di no tabata di acuerdo

cu e decision. Varios di e personanan riba escenario a hanja algun di e proyectilnan aki riba nan curpa, entre otro e animador Yubi Naar y Rolly Nieuwkerk, manager di "The Three Voices". E ultimo aki no a acepta e trato aki con cu ta y a cumenza baha escenario pa regla cuenta di e persona cu supuestamente a tira e proyectil. Esaki sin embargo no a yegaleu como cu na ultimo momento Nieuwkerk a cambia di idea.

TRETO. Tabata un berdadera lastima cu e anochi final di e tercer festival Antillano di cancion, cual pa loke ta trata di calidad sigur tabata esun mas exitoso teni te cu awor, a hanja un fin asina tristo. Contra e reaccion di un publico, por haci masha poco, como cu e reaccion aki, esta den e caso di diadomingo atardi, a ser crea door di un decision di e jurado, cual decision no tabata mescos cu e opinion di mayoria di e publico.

Na e momento aki nos kler pa buena marcha di tur otro festivalnan di den futuro, duna na e organizadornan di e festival un consejo, y esaki ta pa durante eventonan cu ta dura mas cu un anochi pa sigi mantene e mesun jurado cu riba e anochi inicial y pa no cambia uno of mas miembro di jurado riba e anochinan siguiente. E ultimo aki tabata e caso durante e anochi final. Mayoria di artistanan cu a actua diadomingo anochi, tambe a actua den e anochinan anterior y un jurado cu no ta ser cambia lo por huzga mehor e actuacion di e cantantenan; cu un jurado den cual un of mas cara nobo a ser hinka.

CLASIFICACION FINAL

E resultado di e tercer festival Antillano di cancion, tabata e siguiente:

1. Leslie Vos (570 punto)
2. Humberto Nivillac (560)
3. Jossy Brokke (540)
4. Ray Anthony Thomas (510)
5. Corrie den Boef (510)
6. Norman Bernardina (500)
7. Ursula Peterson (500)
8. Nilca Franka (480)
9. Ivan Ramphal (480)
10. Renov Cijntje (430)
11. Danilo Sanchez (380)
12. Len Johnson (380)
13. Tom Hagenaar (380)
14. Jane de Cuba (360)
15. Maureen Hansen (340)

respetu Wilson como un homber aunque un numero chikito ta admira supolitica.

Pa loke ta Heath, simplemente ningun hende no ta paga ningun sorto di atencion ne.

Ora cu miembronan di camara di comunes a vota prome cu eleccion pasa pa aumenta nan mes salarionan, a ser spera cu Parlamento lo a bira atractivo pa un kaliber di homber mas inteligente. Pero esaki no a sosode, den opinion di mayoria di e Inglesnan cu a ser entrevista.

Un reaccion tipico: "E standard di camara di comunes awe ta mas abow cu jamas y nunca".

Di otro un banda, tin un movimiento den loque Daily Mail ta jama "Gaullistas ingles", hendenan cu ta desea un superman manera e presidente di Francia de Gaulle pa corta door di e medio cu ta existi den politica y pa pone cos nan move atrobe, aunque cu mester deshaci di cierto derechonan democratico pa logra esaki.